

JAMHURI YA MUUNGANO WA TANZANIA

BUNGE LA TANZANIA



ORODHA YA SHUGHULI ZA LEO

MKUTANO WA SABA

KIKAO CHA ISHIRINI NA SABA

17 MEI, 2017



ORODHA YA SHUGHULI ZA LEO

MKUTANO WA SABA

KIKAO CHA ISHIRINI NA SABA – TAREHE 17 MEI, 2017

I. DUA:

II. HATI ZA KUWASILISHA MEZANI:

WAZIRI WA VIWANDA, BIASHARA NA UWEKEZAJI:

Hotuba ya Makadirio ya Mapato na Matumizi ya Wizara ya Viwanda, Biashara na Uwekezaji kwa Mwaka wa Fedha 2017/2018.

MWENYEKITI WA KAMATI YA VIWANDA, BIASHARA NA MAZINGIRA:

Taarifa ya Kamati ya Viwanda, Biashara na Mazingira kuhusu utekelezaji wa majukumu ya Wizara ya Viwanda, Biashara na Uwekezaji kwa Mwaka wa Fedha 2016/2017 pamoja na Maoni ya Kamati kuhusu Makadirio ya Mapato na Matumizi ya Wizara hiyo kwa Mwaka wa Fedha 2017/2018.

**MSEMAJI MKUU WA KAMBI YA UPINZANI KUHUSU
WIZARA YA VIWANDA, BIASHARA NA
UWEKEZAJI:**

Taarifa ya Msemaji Mkuu wa Kambi ya Upinzani kuhusu Wizara ya Viwanda, Biashara na Uwekezaji juu ya Makadirio ya Mapato na Matumizi ya Wizara hiyo kwa Mwaka wa Fedha 2017/2018.

III. MASWALI:

OFISI YA RAIS (TAMISEMI):

**219. MHESHIMIWA BERNADETHA KASABAGO
MUSHASHU (VITI MAALUM):**

Atamuuliza Mheshimiwa Waziri wa Nchi, Ofisi ya Rais (TAMISEMI):- Wazabuni wanaotoa huduma Mashuleni wanaidai Serikali fedha nyingi kwa huduma walizotoa miaka iliyopita:-

(a) Je, Serikali inadaiwa fedha kiasi gani na kwa miaka ipi na Wazabuni hao;

(b) Je, ni lini madai hayo yatalipwa.

**220. MHESHIMIWA ZAYNAB MATITU VULLU
(VITI MAALUM):**

Atamuuliza Mheshimiwa Waziri wa Nchi, Ofisi ya Rais (TAMISEMI):- Kwa sasa Kituo Kikuu cha Mabasi yaendayo Mikoani cha Ubungo Jijini Dar es Salaam kimezidiwa uwezo wa kutoa huduma kwa ufanisi:-

Je, Serikali ina mpango gani wa kuanzisha Vituo vingine kikanda ili kuboresha huduma za usafiri wa mabasi yanayoingia na kutoka Mikoani.

OFISI YA RAIS (UTUMISHI NA UTAWALA BORA):

**221. MHESHIMIWA RIZIKI SHAHARI MNGWALI
(VITI MAALUM):**

Atamuuliza Mheshimiwa Waziri wa Nchi, Ofisi ya Rais (Utumishi na Utawala Bora):-

(a) Je, Serikali ina utaratibu gani maalum wa kuwapangia na kuwahamisha sehemu za kazi Watumishi wake;

(b) Je, ni vigezo gani huzingatiwa katika kuwapanga au kuwahamisha Watumishi sehemu za kazi;

(c) Je, ni kwa namna gani Serikali inahakikisha Watumishi wake wanafanya kazi kwa ufanisi katika maeneo waliyopangwa.

WIZARA YA MAMBO YA NDANI YA NCHI:

222. MHESHIMIWA ZUBEDA HASANI SAKURU (VITI MAALUM):

Atamuuliza Mheshimiwa Waziri wa Mambo ya Ndani ya Nchi:- Magereza mengi nchini hayapo katika viwango na ubora unaotakiwa na hivyo kuvunja haki za Wafungwa:-

Je, Serikali ina mkakati gani katika kufanya matengenezo na kulinda haki za Wafungwa.

WIZARA YA MAJI NA UMWAGILIAJI:

223. MHESHIMIWA DKT. HADJI HUSSEIN MPONDA (MALINYI):

Atamuuliza Mheshimiwa Waziri wa Maji na Umwagiliaji:- Vijiji vya Ngoheranga na Tanga katika miradi ya maji inayofadhiliwa na Benki ya Dunia (*Phase II World Bank Project*) vimepangiwa kufanyiwa upembuzi yakinifu, usanifu wa kina, uchimbaji wa visima na ujenzi wa miundombinu

ya maji; zoezi hili limeishia tu kwa uchimbaji wa visima virefu nane (8) na mradi kusitishwa:-

(a) Je, ni lini Serikali itakamilisha utekelezaji wa miundombinu ya usambazaji wa maji ya bomba kama ilivyo katika Vijiji vingine vinavyofadhiliwa na Benki ya Dunia;

(b) Je, ni lini Serikali itapeleka maji katika Vijiji vilivyosahaulika vya Mtimbira, Majiji, Kiswago na Ihowanja.

224. MHESHIMIWA STANSLAUS HAROON NYONGO (MASWA MASHARIKI):

Atamuuliza Mheshimiwa Waziri wa Maji na Umwagiliaji:- Naibu Waziri wa Maji alipotembelea Mji wa Maswa alipata nafasi ya kutembelea bwawa lililobomoka la Sola na kuahidi kutoa fedha ya ukarabati wa bwawa hilo kiasi cha shilingi milioni 900:-

(a) Je, ni lini fedha hizo zitatolewa ili kukamilisha ujenzi wa bwawa hilo ambalo ni muhimu kwa wakazi wa Mji wa Maswa;

(b) Kuna mabwawa 35 katika Wilaya ya Maswa, Je, ni lini Serikali itatoa kiasi cha bilioni 1.9 ambazo zilikadiriwa kwa ajili ya kukarabatiwa mabwawa hayo.

WIZARA YA NISHATI NA MADINI:

225. MHESHIMIWA WILFRED MUGANYIZI LWAKATARE (BUKOBA MJINI):

Atamuuliza Mheshimiwa Waziri wa Nishati na Madini:- Mji wa Manispaa ya Bukoba una Vijiji ambavyo havina umeme kabisa na havikuingizwa katika mpango wa REA wa kusambaza umeme:-

Je Serikali ina mpango gani wa kuvipatia umeme Vijiji vya Kata za Nyanga, Ijunganyondo na Kahororo ambavyo mazingira na hali ya kiuchumi haitofautiani na Vijiji vilivyosambaziwa umeme katika Wilaya nyingine za Vijijini.

226. MHESHIMIWA STEPHEN HILARY NGONYANI (KOROGWE VIJIJINI):

Atamuuliza Mheshimiwa Waziri wa Nishati na Madini:- Serikali inapeleka umeme Vijijini kupitia mpango wa REA lakini kuna maeneo mengi ambayo hayajafikiwa na huduma hiyo:-

(a) Je, Serikali ina mpango gani wa kupeleka umeme kwenye Kijiji cha Mlalo, Bagamoyo, Mngaza na Kieti kwenye Kata ya Vugiri;

(b) Je, ni lini Serikali itafikisha umeme kwenye Kata mpya ya Mpale.

WIZARA YA UJENZI, UCHUKUZI NA MAWASILIANO:

**227. MHESHIMIWA ALLY KEISSY MOHAMED
(NKASI KASKAZINI):**

Atamuuliza Mheshimiwa Waziri wa Ujenzi, Uchukuzi na Mawasiliano:- Kutokana na ahadi ya Mhe. Rais aliyotoa alipokuwa Waziri wa Ujenzi na sasa ahadi aliyotoa akiwa Rais wakati wa kampeni zake za uchaguzi kwamba barabara ya Kirando – Kazovu – hadi Korongwe yenye urefu wa Km 35.6 ingejengwa kwa sababu Halmashauri haina uwezo wa kuijenga:-

Je, ni lini Serikali itaanza kuijenga barabara hiyo ili iwasaidie Wananchi wa Vijiji vya Katete, Chongo, Isaba na Kazovu.

**WIZARA YA ELIMU, SAYANSI, TEKNOLOJIA NA
UFUNDI:**

**228. MHESHIMIWA JOSEPH GEORGE KAKUNDA
(SIKONGE):**

Atamuuliza Mheshimiwa Waziri wa Elimu, Sayansi, Teknolojia na Ufundi:-


Je, ni lini Serikali itakiboresha Chuo cha Maendeleo ya Jamii yaani FDC Sikonge ili

kilingane na Vyuvo vya VETA kwa kuongeza idadi ya Walimu na mafunzo yanayotolewa.

IV. HOJA ZA SERIKALI:-

WAZIRI WA VIWANDA, BIASHARA NA UWEKEZAJI:-

Kwamba, Bunge sasa likubali kupitisha Makadirio ya Mapato na Matumizi ya Wizara ya Viwanda, Biashara na Uwekezaji kwa Mwaka wa Fedha 2017/2018.



**DODOMA
17 MEI, 2017**

**DKT. T. D. KASHILILAH
KATIBU WA BUNGE**